



42734 21.10.2013 08:30



**Ilmo. Sr. Alcalde-Presidente do
CONCELLO DE ARZÚA**
Rúa Santiago, 2
15810 - ARZÚA

CLAVE: DH.V15.42679
ASUNTO: RESOLUCIÓN EN RELACIÓN COA AUTORIZACIÓN DE VERTIDO DE
AUGAS RESIDUAIS URBANAS DEPURADAS AO RÍO BOENTE
(CUNCA DO RÍO ULLA) PROCEDENTES DA ESTACIÓN
DEPURADORA DE AUGAS RESIDUAIS URBANAS DE BOENTE,
ASENTADA NO LUGAR DE BOENTE (T.M. ARZÚA)
TITULAR: CONCELLO DE ARZÚA
C.I.F.: P-15.006.00-J

Antecedentes

1. O CONCELLO DE ARZÚA, é titular da infraestrutura denominada EDAR de Boente. Segundo a disposición adicional décimo segunda da Lei 9/2010, de 4 de novembro de augas de Galicia, enténdese que contan con autorización administrativa os vertidos de augas residuais municipais de natureza urbana ou doméstica, producidas no ámbito territorial previsto no artigo 6º.1 a) da lei e tamén as producidas desde terra ao litoral galego, que se integren na programación de actuacións de saneamento da Administración hidráulica de Galicia; todo isto sen prexuízo de que Augas de Galicia, logo de audiencia das correspondentes entidades locais, dite as condicións nas que se deban realizar as mencionadas verteduras.
2. A estación depuradora de augas residuais de Boente, de acordo co artigo 32.1 da Lei 9/2010 de augas de Galicia, está integrada na *programación de actuacións de saneamento da Administración hidráulica de Galicia*.
3. Con data 01/03/2013 recíbese en Augas de Galicia solicitude de autorización para o vertido de augas residuais urbanas depuradas ao río Boente (cunca do río Ulla) procedentes da EDAR de Boente.
4. Por parte da Área de Vertidos, e segundo o disposto no artigo 247 do Regulamento de dominio público hidráulico, emitiuse informe favorable nesta data á tramitación da autorización de vertidos de augas residuais urbanas depuradas ao río Boente (cunca do río Ulla) procedentes da EDAR de Boente.
5. Con data 09/08/2013 notifícaselle ao Concello de Arzúa proposta de resolución de autorización de vertido de augas residuais urbanas depuradas ao río Boente (cunca do río Ulla) procedentes da EDAR de Boente (t.m. Arzúa), emitida en data 22/07/2013.



6. Con data 03/09/2013 o Concello de Arzúa presenta ante esta entidade escrito de conformidade á proposta de resolución emitida con data 22/07/2013.

Fundamentos de dereito

Primeiro

A actividade obxecto do presente expediente é obxecto de autorización nos termos establecidos na disposición adicional décimo segunda da Lei 9/2010, do 4 de novembro, de augas de Galicia. Polo tanto, procede, en aplicación dese mesmo precepto legal, que Augas de Galicia determine, dite e imponha as condicións necesarias de vertido que debe cumprir a EDAR de Boente.

Segundo

Na tramitación do presente expediente tivéronse en conta as normas de procedemento e as normas materiais contidas no texto refundido da Lei de Augas, aprobado polo Real decreto legislativo 1/2001; no Regulamento do dominio público hidráulico; na Lei 9/2010, de 4 de novembro, de augas de Galicia; na Lei 30/1992, do 26 de novembro, de réxime xurídico das administracións públicas e do procedemento administrativo común, e demais normativa vixente de aplicación.

Informe da Área de Vertidos

A) Competencia

A entidade pública empresarial Augas de Galicia é competente para a tramitación e resolución do presente expediente, segundo o disposto no artigo 4 da Lei 9/2010, de 4 de novembro, de augas de Galicia, e o Decreto 32/2012, do 12 de xaneiro, polo que se aproba o Estatuto da entidade pública empresarial Augas de Galicia.

B) Informe técnico

Examinados os antecedentes que obran no expediente e considerando que cunha correcta xestión por parte do titular do vertido das medidas de depuración propostas, a realización do vertido ao dominio público debería ser compatible cos obxectivos de calidade do medio receptor e cos dereitos de terceiros; o que subscribe informa favorablemente ao vertido de augas residuais urbanas depuradas na EDAR de Boente, deseñada para 150 habitantes equivalentes, ao río Boente (cunca do río Ulla), procedentes do saneamento do núcleo de Boente (t.m. Arzúa).

Conclusión e resolución

Por todo isto, visto o expediente, as disposicións legais citadas e demais de aplicación, Augas de Galicia **RESOLVE**:

Outorgar ao Concello de Arzúa autorización de vertido de augas residuais urbanas depuradas ao río Boente (cunca do río Ulla) procedentes da EDAR de Boente (t.m. Arzúa); baixo o seguinte condicionado:



1ª. PROXECTO TÉCNICO: As obras axustaranse á documentación aportada xunto coa solicitude de autorización de vertido de augas residuais ao dominio público e demais documentación presentada ante esta entidade durante a tramitación do expediente.

2ª. CAUDAL DE VERTIDO: O caudal máximo de vertido das augas residuais urbanas depuradas ao río Boente (cunca do río Ulla) procedentes da EDAR de Boente é de 9.398,75 m³/ano.

3ª. PUNTO DE VERTIDO: As coordenadas UTM do punto de vertido das augas residuais urbanas depuradas ao río Boente (cunca do río Ulla) procedentes da EDAR de Boente son as seguintes: X=575.031; Y=4.752.478 (*datum* ETRS89).

4ª. TRATAMENTO DAS AUGAS RESIDUAIS: As augas residuais urbanas son tratadas nunha estación depuradora deseñada para 150 habitantes equivalentes que conta cos seguintes dispositivos:

- Arqueta con reixa de desbaste de 30 mm de luz de paso.
- Decantador-dixestor primario prefabricado de 23,18 m³ de capacidade de dixestión e 11,7 m³ de capacidade de decantación.
- Cámara de descarga.
- Leito bacteriano con recheo plástico Biofill e distribuidor rotativo, de 14 m³ de capacidade máxima de recheo.
- Arqueta de toma de mostras da auga tratada.

Posteriormente as augas residuais urbanas depuradas son vertidas ao río Boente (cunca do río Ulla), a través dun colector de vertido de PVC de 200 mm de diámetro x 694 m de lonxitude.

5ª. CALIDADE E CONTROL DO VERTIDO: De acordo co proxecto que se aproba e de acordo co Real Decreto-Lei 11/1995, de 28 de decembro, polo que se establecen as normas aplicables ao tratamento das augas residuais urbanas; os límites dos parámetros de vertido e a frecuencia mínima coa que se controlarán nun dispositivo existente á saída do sistema de depuración e antes do seu vertido ao río Boente, serán os que se reflicten na seguinte táboa:

<u>PARÁMETROS</u>	<u>LÍMITE</u>	<u>PERIODICIDADE</u>
DBO ₅	40 mg/l	ANUAL
DQO _{total}	160 mg/l	
Sólidos en suspensión	80 mg/l	
Aceites e graxas	25 mg/l	
Deterxentes	3 mg/l	

Os límites máximos permitidos para o resto de parámetros serán os especificados na lexislación vixente en cada momento; e especialmente teranse en conta as prescricións



relativas a substancias perigosas contidas no Real decreto 60/2011, de 21 de xaneiro, sobre as normas de calidade ambiental no ámbito da política de augas.

Os resultados destes controis remitiranse a **Augas de Galicia ANUALMENTE**, de acordo co establecido na periodicidade indicada na táboa anterior e sempre antes da finalización do mes seguinte ao da realización da mostraxe.

Todas as mostraxes e análises correspondentes ao control do vertido deberán realizarse por medio dunha Entidade Colaboradora da Administración Hidráulica (ECA).

Tal e como se recolle no artigo 245.5 b) do Regulamento de dominio público hidráulico, en ningún caso o cumprimento dos valores límite de emisión establecidos poderá alcanzarse mediante técnicas de dilución.

Augas de Galicia resérvase a facultade de modificar os límites impostos ao vertido e a de esixir ao autorizado a construción e explotación das obras e instalacións necesarias para a súa adecuación ás esixencias do Plan hidrolóxico da cunca e outras disposicións legais ou regulamentarias, sen que isto dea lugar a indemnización ao autorizado.

Se a práctica demostrase que a xestión realizada é insuficiente pola calidade do vertido en relación cos límites fixados nesta autorización e/ou na lexislación vixente, así como pola calidade do medio receptor no caso de que se demostre que o vertido obxecto desta autorización é determinante do incumprimento dos obxectivos de calidade do medio receptor; o titular deberá, previa autorización correspondente, executar as obras e instalacións necesarias para axustar o vertido ás características autorizadas. Neste senso, Augas de Galicia poderá esixir ao autorizado a instalación de tratamentos complementarios e calquera outra mellora nas instalacións que resulte axeitada para acadar os límites impostos ou outros que se poidan impoñer, determinando os prazos correspondentes.

6ª. CALIDADE E CONTROL DO MEDIO RECEPTOR: Deberase evitar a afección incompatible co mantemento das condicións e usos do medio receptor. Con independencia dos límites establecidos, os obxectivos de calidade da auga son os establecidos no Plan Hidrolóxico para a demarcación hidrográfica Galicia-Costa. No caso de que se demostre que o vertido é determinante no incumprimento dos obxectivos de calidade do medio receptor establecidos no Plan hidrolóxico de Galicia-Costa, poderanse revisar as condicionantes da autorización outorgada.

Realizarase un **control do medio receptor** do vertido (río Boente) nos seguintes puntos, considerando os parámetros e a periodicidade que se reflicten na seguinte táboa:



CONTROL DO MEDIO RECEPTOR ⁽¹⁾		
PUNTOS DE MOSTRAXE	PARÁMETROS A ANALIZAR (en cada un dos puntos).	PERIODICIDADE
1. 50 m augas arriba do punto de vertido ao río Boente 2. 50 m augas abaixo do punto de vertido ao río Boente	Osíxeno disolto DBO ₅ Sólidos en suspensión Coliformes totais ⁽²⁾ Coliformes fecais ⁽²⁾ Estreptococos fecais ⁽²⁾ <i>E. Coli</i> ⁽²⁾	ANUAL
(1) O control do medio receptor deberá coincidir cun dos controis mensuais do vertido. (2) Non se analizarán estes parámetros sempre e cando quede acreditado a non existencia de zonas de baño en 100 m. augas abaixo do punto de vertido.		

ANUALMENTE remitirase a Augas de Galicia un estudio que inclúa as análises realizadas no medio receptor, así coma unha avaliación dos efectos do vertido e do grao de mantemento dunhas condicións mínimas para o desenvolvemento da fauna acuática.

Todas as mostraxes e análises correspondentes aos controis do medio receptor deberán realizarse por medio dunha Entidade Colaboradora da Administración Hidráulica (ECA).

7ª. DISPOSITIVOS DE CONTROL DO VERTIDO E DO MEDIO RECEPTOR: Á saída da estación depuradora e previo ao vertido ao río Boente (cunca do río Ulla) das augas residuais depuradas disporase dun dispositivo para o control do vertido, que deberá reunir as características necesarias para obter mostras representativas do vertido e comprobar o rendemento das instalacións de depuración. A arqueta deberá ter acceso directo para a súa inspección por parte do persoal de Augas de Galicia.

Deberá existir un libro de rexistro a disposición da administración, no que se anotarán:

- Resultados analíticos das tomas de mostras.
- Incidencias.

Calquera incidente será comunicado no momento de producirse, por escrito, a Augas de Galicia.

Así mesmo, o titular designará un responsable técnico, con titulación axeitada, das instalacións de depuración, o que deberá ser comunicado a Augas de Galicia.

8ª. INSPECCIÓN DO VERTIDO: Augas de Galicia poderá efectuar, cando o estime oportuno, análises de comprobación da calidade dos vertidos para cotexar que se cumpren as condicións expostas nesta autorización.



9ª. RESPONSABILIDADES DO SOLICITANTE: O CONCELLO DE ARZÚA velará polo cumprimento dos requirimentos establecidos nas letras c), d) e e) do artigo 32.2 da Lei de Augas de Galicia. A autorización non exime ao titular do vertido que se autoriza da posible responsabilidade civil, penal ou administrativa polos danos que poida causar o vertido en cultivos, animais, fauna piscícola, persoas ou bens.

10ª. VERTIDOS ACCIDENTAIS: No caso de que accidentalmente se produza un vertido en condicións non autorizadas, deberase acreditar ante Augas de Galicia que se adoptaron as medidas axeitadas para emendar as causas que o motivaron.

11ª. XESTIÓN DOS RESIDUOS: Os lodos, graxas, residuos sólidos e semisólidos xerados na estación depuradora serán retirados por un xestor de residuos autorizado pola Consellería de Medio Ambiente, Territorio e Infraestruturas. Neste caso, deberanse enviar a Augas de Galicia copia dos partes de recollida onde se indicará a data, a cantidade de residuos, as súas características e o seu destino. Estes partes de recollida de residuos serán remitidos anualmente a Augas de Galicia, dentro do estudo do plan de vixilancia ambiental.

Os devanditos residuos serán sometidos ao tratamento procedente, quedando expresamente prohibido o seu depósito en zonas onde poidan contaminar as augas.

Augas de Galicia poderá requirir ao titular da autorización, en calquera momento, copia dos partes de recollida de residuos emitidos polo xestor autorizado.

No caso de que os lodos procedentes da estación depuradora pretendan destinarse, previo tratamento, á aplicación en solos agrarios, deberase cumprir co disposto no Decreto 125/2012, do 10 de maio, polo que se regula a utilización de lodos de depuradora no ámbito do sector agrario da Comunidade Autónoma de Galicia.

12ª. VIXENCIA DA AUTORIZACIÓN: O prazo de vixencia da presente autorización fíxase en CINCO (5) ANOS contados a partir da data da mesma, entendéndose prorrogada se non existe resolución previa en contra, que deberá ser comunicada cunha antelación de TRES (3) MESES e sempre que se manteñan as características do vertido e as do medio receptor.

13ª. PREXUIZO DE TERCEIROS: A autorización outórgase sen prexuízo de terceiros e deixando a salvo o dereito de propiedade, coa obriga de conservar ou restituír as servidumes legais existentes.

14ª. LICENCIAS OU PERMISOS ADICIONAIS: O outorgamento desta autorización non exime ao seu titular da obtención das licencias, permisos e autorizacións legalmente pertinentes.

15ª. REVOGACIÓN: A autorización poderá ser revogada de acordo co establecido nos artigos 263 e seguintes do Regulamento do dominio público hidráulico.

16ª. INFORMACIÓN SOBRE SUSTANCIAS PERIGOSAS: O titular deberá presentar ante Augas de Galicia, nun prazo de DEZ (10) DÍAS a contar dende o día seguinte ao da notificación da correspondente resolución de autorización de vertido, información sobre a existencia ou inexistencia de vertidos de sustancias perigosas nos seus colectores.



Ademais, esta información sobre sustancias perigosas deberá repetirse cunha periodicidade anual, tal e como esixe o artigo 251.3.a) do Regulamento do dominio público hidráulico.

17ª. MODIFICACIÓN DA RESOLUCIÓN: O proxecto da EDAR de Boente atópase integrado dentro das actuacións do Plan galego de saneamento a desenvolver por Augas de Galicia. No caso de que a Administración hidráulica de Galicia ou o propio Concello interesado levaran a cabo novas actuacións de saneamento sobre a zona afectada pola EDAR de Boente (ampliación da rede, substitución das instalacións existentes, etc), deberase comunicar esta circunstancia por escrito á unidade competente en materia de vertidos de Augas de Galicia aos efectos de proceder, no seu caso, á modificación dos termos da resolución.

Contra esta resolución, que non esgota a vía administrativa, poderá interpor RECURSO DE ALZADA ante o Presidente de Augas de Galicia, no prazo DUN (1) MES, a contar dende o día seguinte á súa notificación, de conformidade cos artigos 114 e 115 da Lei 30/1.992, do Réxime xurídico das administracións públicas e do procedemento administrativo común.

Santiago de Compostela, 14 de outubro de 2013

O xefe da Área de vertidos

Manuel Morato Miguel

Resolvo

O director de Augas de Galicia

Francisco Menéndez Iglesias

Conforme

O subdirector xeral de Xestión do Dominio Público Hidráulico

Roberto Arias Sánchez